

THILPIAK A VUALZAWLNATE

Sutzopna...

-Niangpal-

II. BANGZIAK A THILPIAK PE DIING?

Thilpiak I piak khiak himhim chiang in nahoih sem khi a, I piaknate a diing in kipahna tuntu leh puakgik donzangtu kisuak hi. Hiai bang hun ah mithil iva piak khiakte aphatuam lua in pangzou kenteh chih ngaihsun kom a hih theih sunsun iva piak pen amau kipaktak a na sansak ua a poimoh luat uh bang iva hihkhak chiang in I lungsim ah kipahluatna genkhiak theihlou khat hon om theimok hi. Hiai bang kipahna hong piang khepen vualzawlina chikat a simtheih diing in I gingta hi. Chiklaipeuh in thil himhim midangte a vadeihgoh in om theih a, I neih a I lungkim louh chiang in chiklaipeuh in lungkimna kimu ngeilou hi. Aziak bel kuahiam khat van neih hoih sa mahmah in deihgoh tuntun a om in aman honpia bang hita leh leng huaisang a van hoihzaw hong omzel diing a lungkim ni kinei ngeingeilou diing hi. Huaiziak in I neih dandan a lungkim dan kisinzaw in eipen mi hon panpih din kikoih lou in ei mi panpihtu hizaw diing in kikoih ni tua hileh Laisiangthou in "Lak sang in piak in lukhong a neihzaw" a chih pen kizui khazaw diing hi (Nasepte 20:35).

Mi kiang a panpihna I piak chiang in midangte'n hon theihpih souhsouh ua amau apan phatna kampau I lamet ziak hilou in panpihna I piak peuhmah chiang in kuamah theihloun in aguk in I piak diing ahi. Tuabang hileh Pathian aguk a hon mupan a langtang in kipahman honpe diing hi (Matthai 6:4).

Thilpiak pen mite adia kiphana tuntu leh ei a diing mah a leng kipahna hon tuntu ahih kia hilou in vualzawlina nak leng hilai hi. Mi sum chit khat aneihte iit tentun a pekhe ngamlou pen amah a diing in leng zang ngam tuanlou hi. Neih leh lam I chih pen Leitung a I damsung lel daih diing ahihman in zatkhia a piakkhia phallouh pen a phattuam-na omlou hi. I neih dandan a pekha in mite I panpih chiang in eilam ah leng I muhkik diing tamzaw a, piak khiak pen ei apan a haichi I theh khiak hizaw hi. I thekhia tamleh I aat diing tam mai diing hi (2 Korin 9:6).

Tamsem theh khe ni apung tamsem I muh theihna diing in. Akan aval a it a pekhe ngamlouten kidaihi leh neih ni himhim nei ngeilou ua, huainaksang in taksap lam manoh zaw uhi (Paunakte 11:24). Chi tam theilamlam theh khia ni. I kholkhawmna dim a khol diing I muhkikna diing in.

III. THILPIAK KUATE KIANG A PIAK DIING AHIA?

Khenkhatten thilpiak a piak chiang un a neizaw deuhte mai etna in amaute kipahna diing zong in alim deuh hiam leh chituam deuh hiamte aneih hun un a neizou zaw deuhte mah khualzaw uhi. Amaute'n athilpiak bangbang uh hiam a hih keileh ahoihzaw bang muhkik a kilamet ziak peuh uh himaimah hi. Himahleh eitenzaw thilpiak I piak chiang in khentuam nei kei ni, I hih zoh bangbang in miteng tung ah thilhoih hih sawn zaw in, ginna a innkuanpihte tung ah houh hikhol diak hen (Galatiate 6:10). Huaiban in I hak-sat hun a hon huh a hon panpihte enleng I lemtang hun

in amaute mangngilh lou in thukkik teitei sawm ni. Huai chindan kilom ahih ban ah ahi diing himhim leng ahi.

THUKHITNA

Thilpiak I chih chiang in nahoih sep ahihdan I theivek chiat ua, a pekhatam ten zualzawlina amuh diing uh leng tam ahih chihleng kuamah a haih I om I gingta kei hi. Himahleh hiai bang nasep hoih leh chindan hoihte ei a sem-suahtu diing I hih chiang in haksa kisa a midangten hih na ve uh, ahihkeileh ei anei zou pente kihilou, eisang a hausa zawten pena unteh chi a eipen in I piak ngeihloun chiang in ei nahoih sepna diing hun hong tungkha ngeilou diing hi. Hiai bang a nahoih semten vualzawlina a muhte uh I deih kei diing I chi ngam tuankei diing. Hamphatna tang diing om chiang in kadeih kei chingam tuanlou diing I hihman in asepe diing hun in leng midangte chilou in ken bang a hia ka hih theih chin zong zaw ni.

Thilpiak pe diing in mite sang a tungtuan zok ngai hetlou a, I neih bangbang piak khiak a mite panpih theiluat ahi. Thildangdang I hih zoh louh top in leng puanak nih I neih leh a neilou kiang a khat piak a nek diing I neih leh a neilou hop diing (Luka 3:11) chih hileh hi. Hiai bang a hih zou hetlou diing ei unaute lak ah I omkei diing chile gen khial din I ki gingta kei. Thilpiak ahoihdan I gen khinta a, I piak dingdan leng I kikum khinta, thilpiak I piak chiang a eilam a kiamkiam a ei a diing a manna hihetlou a huainak sang a vualzawlina nak hizaw ahihdan I thei vekta. Awle! Unaute kingaihtuah thak ni, midangten bangchi bang a kuate pia a kuate'n kuate pe diing ahi ua chihte buaipih lou in, eimah kivel chian thak in hun paisa a bang zah nape khekha, ma-ban a bangteng pethei lai diing ka hia, ka thilpiak piak khi-aksate apan vualzawlina ngahtak/ngahtham mah ka hi hia? Hiai dotna kidong diing in a diak in tuailaite I kingen ahi.

PLACE OF WORSHIP
 Secred Heart Cathedral,
 Yusuf Sadan, Ashoka Road,
 Delhi - 110001
 Phone No. 9953968807
 website : www.cocdelhi.org

**'KHRIS' SUANGPHUM, A WEEKLY BULLETIN FOR
 THE MEMBERS OF THE CHURCH OF CHRIST, DELHI,
 ON THE FIRST DAY OF THE WEEK'**

Enkaitu : Jamson Guite

BIBLE CLASS
Class Teacher
 Adult : Khenpi, Siamkhanmuan
 Inter. : James & Jamson
 Junior : Ginsuan & Suanlian
 Primary : Minlun & Niangngaihching
 Beginner : Chingkhanlun & Pauliansiam

**TOUPA NI'
 THILPIAK**
Date 24.04.2022 ₹ 38,420/-

THOUGHT OF THE WEEK

**Toupa'n mi diktat a enchian zel a: migilou
 salou leh hiamgamna deihte bel a hinna
 in a hua hi - Sam 11:5**

THU TUAMTUAM

THU TUAMTUAM

Biakna Hunzeek

Toupa' Ni

Date 01.05.2022

Hun-uk thumna : Thongginlian
 Lapi : Siamkhanmuan
 Thilpiak : Thangdouliau
 Theihgigena : Thangbiakmang
 Thugen : Jamson
 Thumna : Pauminthang

Nilaini Video Bible class

Date 04.05.2022

Thumna : Timothy
 Sinsaktu : Di Palma
 Thumna : Thongginlian

Kiginni

Date 07.05.2022

Hun-uk thumna : Ginsuan
 Lapi : Khamminthang
 Thugen : Pauminthang
 Thumna : Gin Samuel

Toupa' Ni

Date 08.05.2022

Hun-uk thumna : Ginsuan
 Lapi : Khamminthang
 Thilpiak : Chinsuanmung
 Theihgigena : Kamkhenthang
 Thugen : Jamson
 Thumna : Amjangthang

FAMILY MEET

❖ Tukum adia a khatveina diing in ahongtung diing tu sepnawnni Chiang in Family meet neih hita diing. Hiai hun a tel ngeingei diing in nupi leh papi hisa tengteng i kisa chiat diing uh. Dak 11 a pat diing ahihman in a hunma in a mun tungnawn siausiau ni.

MEETING UH

❖ Kal paita Toupa ni nitaklam dak 6 apan dak 8:30 kikal sung BBII (Berean Bible Institute on India) board member-te internet zoom tungtawn in meeting uhi. Tukum sung ngei a hiai Bible institute ahong dinkhiak zoh lamet hi a huai diing in thumna ah leng i phawk diing uh.

NGAPLOU UH

❖ Chingsuanniang d/o unaupa Kammuanlal leh anaute hitang khosik ziak in kal masa in ngaplou in ana om uhi. Tun bel damta uhi.

❖ Unaunu Nianglunmawi-te nuta leng hitang khosik ziak mah in ngaplou in ana om mahleh uh Pathina panpihna toh amau leng a damlam hita uhi.

❖ Lamgoulal s/o unaupa Chinsuanmung leng hitang khosik ziak mah in ngaplou in ana om. Amah leng Pathian panpihna toh damsiangta hi.

KIKNAWNTA UH

❖ Delhi a ki-ensak dia hong zin unaupa Liankhogin-te nupa in kal masa kiginni in honna kisan nawnta uhi.

KANGPOKPI AH INN LUAH DIING

❖ Unaupa Khupmang in Kangpokpi ah May apan in Delhi Saptuam sik diing in inn 2500/m in luah diing hi. Tuma a piangthakte inn mun a biakna neih a lemlouh ziak in hiai mun ah biakna neizel diing uhi. Unaupa Khupmang in hun bangtan hiam Kangpokpi ah kal khat in ni 1/2 vazang in unau piangthak tungte va ompih diing hi.

TOUPA NI SKUL OMLOU DIING

❖ Biakna mun ngeina pen a lem-louh ziak a St. Alphonsa mun a biakna neih ahih diing ziak in tuni Toupa Ni skulte omlou diing hi. Biakna nitaklam dak 5 in kipan diing hi. Anawn ahihleh biakna mun ngei mah hi diing hi.

BIAKNA PROGRAM

❖ May leh June biakna program diing bawlkhit hinawnta. Kuapeuh in i lachiat diing. Tan latheilou diingte'n a hun ma ngei a program bawlte zaksak chindan kilawm ahi. Tan latheilou dingte'n hiai i ngaipoimoh kei khanak. Chindan hoihlou khat ahi. Tawpsan ni.

CHURCH OF CHRIST, NEW DELHI
 Yusuf Sadan, Sacred Heart Cathedral
 Connaught Place, New Delhi-110001

Evangelist Ding zonna

New Delhi Krist Saptuam in Inda Maalsuah bial (North-east) a Evangelist ding lunglut mi zong hi. Hiai a lunglutna nei peuhmah in New Delhi Krist Saptuam website: www.cocdelhi.org ah thuchian kimzaw leh kingetna lai (Application Form) a et-theih ding.

Hiai a tung a website kipia ah Application Form download a, kimtak a mun-awngte hudim in, a luglut mite'n Nisim 30.06.2022 tan in kingetna lai a piaklut theih ding.

Email tungtawn in: cocnewdelhi@gmail.com. Post tungtawn in: House No. N-348, Sector-8, R.K. Puram, New Delhi-110022.

Hiai toh kisai a theihbeh nop na neih leh a nuai a Contact No. kipiata khatpeuh thuzak in:

James Guite: Chairman (9560885759)
 # Siam Khan Muan Guite: Secretary (8800873022)
 # Jamson : Preacher (9953968807)